

摛藻堂四庫全書薈要

集部

欽定四庫全書薈要卷一萬八千二百五十三集部

御定全唐詩卷八百四十八

尚顏

尚顏字茂聖俗姓薛尚書能之宗人也出家荆門工五  
言詩集五卷今存詩三十二首

言興

矻矻被吟牽因師賈浪仙江山風月處一十二三年雅  
頌在於此浮華致那邊猶慚功未至謾道近千篇

江上秋思一作志詩

到來江上久誰念旅游心故國無秋信隣家有夜砧坐  
遙翻不睡愁極却成吟即恐髭連鬢還為白所侵

匡山居

無才加性拙道理合藏蹤是處非深遠其山已萬重經  
時隣境戰獨夜隔雲春昨日泉中見常魚亦化龍

夷陵即事

不難饒白髮相續是灘波避世嫌身晚思家乞夢多暑

衣經雪着凍硯向陽呵  
豈謂臨歧路還聞聖主過

紫閣隱者

天高紫閣侵隱者信沉沉道長年兼長雲深草復深如  
非禪客見即是獵人尋北笑長安道埃塵古到今

與陳陶處士

鍾陵城外住喻似玉沉泥道直貧嫌殺神清語亦低雪  
深加酒債春盡減詩題記得曾邀宿山茶獨自攜

與王嵩隱

一生吟興僻方見業精微事若終難得鄉應不易歸亂  
收西日葉雙掩北風扉合國諸卿相皆曾着布衣

懷陸龜蒙處士

布褐東南隱相傳繼謝敷高譚夫子道靜看海山圖事  
免傷心否碁逢敵手無關中花數內獨不見菖蒲

寄華陰司空侍郎

劍佩已深扃茅為獄面亭詩猶少綺美畫肯愛丹青換  
筆修僧史焚香閱道經相邀來未得但想鶴儀形

送陸肱入關

舟行復陸行始得到咸京准擬何人口吹噓六義名亂  
山遙減翠叢菊早含英衣錦還鄉日他時有此榮

送劉必先

力進憑詩業心焦闊問安遠行無處易孤立本來難楚  
月船中沒秦星馬上殘明年有公道更以命推看

寄方干處士

格外綴清詩詩名獨得知閒居公道日醉卧牡丹時海

鳥和濤望山僧帶雪期仍聞稱處士聖主肯相違

寄劉逸士

無愁無累者偶向市朝游此後乘孤艇依前入亂流高  
眠歌聖日下釣坐清秋道不離方寸而能混俗求

送獨孤處士

萬里去非忙惟攜貯藥囊山家消夜景酒肆過年光立  
鶴洲侵浪喧蛩壁近床誰人臨上路乞得變髡方

早春送人歸岳陽

久食主人魚春來復舊居遠無千里浪輕有半船書過  
片晴雲淡消殘暮雪虛岳陽多異境搜思勿令疎

冬暮送人

長安冬欲盡又送一遺賢醉後情渾可言休理不然射  
衣秦嶺雪搖月漢江船亦過春兼夏回期信有蟬

送徐道人東游

長安人擾擾獨自有閒心海上山中去風前月下吟引  
猿秋果熟藏鶴曉雲深易姓更名數難教弟子尋

自紀

諸機忘盡未忘詩似向詩中有所依遠境等閒支枕覓  
空山容易杖藜歸清猿一一居林叫白鳥雙雙避釣飛  
欲畫淨名居士像焚香願見陸探微

懷智栖上人

臨水登山自有期不同游子暮何之間眠默坐身堪賞  
已去還來事可知林鳥隔雲飛一餉草蟲和雨叫多時  
思君最易令人老倚檻空吟所寄詩

峽中酬荆南鄭準

山齋西向蜀江瀆四載安居復有羣風雁勢高猶可見  
雪猿聲苦不堪聞新詩寫出難勝寶破衲披行却類雲  
每喜汎流賓客說元瑜刀筆潤雄軍

寄荆門鄭準

傳衣傳鉢理難論綺靡銷磨二雅尊不許姓名留月觀  
終攜瓶錫去雲門窓間挂燭通宵在竹上題詩隔歲存  
珍重荆門鄭從事十年同受景升恩

將欲再游荆渚畱辭岐下司徒

竹錫銅瓶配衲衣殷公樓畔偶然離白蓮幾看從開日  
明月長吟到落時活計本無桑柘潤疎慵尋有水雲資  
今朝回去精神別為得頭廳宰相詩

贈村公

紬衣木突此鄉尊白盡鬚眉眼未昏醉舞神筵隨鼓笛  
閒歌聖代和兒孫黍苗一頃垂秋日茅棟三間映古原  
也笑長安名利處紅塵半是馬蹄翻

秋夜吟

梧桐雨畔夜愁吟  
抖擻衣裾蘚色侵  
枉道一生無繫着  
湘南山水別人尋

讀齊已上人集

一作栖  
蟾詩

詩為儒者禪此格的惟仙古雅如周頌清和甚舜弦冰生聽瀑句香發早梅篇想得吟成夜文星照楚天

除夜

一作  
蟾詩

九冬三十夜寒與暖分開坐到四更後身添一歲來魚

燈延臘火獸炭化春灰青帝今應老迎新見幾迴

送人歸鄉

多才與命違末路憶柴扉白髮何人問青山一劍歸晴  
煙獨鳥沒野渡亂花飛寂寞長亭外依然空落暉

迷懷

青門聊極望何事久離羣芳草失歸路故鄉空暮雲信  
回陵樹老夢斷灞流分兄弟正南北鴻聲堪獨聞  
五城初罷構海上憶閒行觸雪麻衣靜登山竹錫輕天

寒嶽寺出日晚島泉清坐與幽期遇何湖心渺冥

宿壽安甘棠館

行人方倦役到此似還鄉流水來關外青山近洛陽溪  
雲歸洞鶴松月半軒霜坐恐晨鐘動天涯道路長

山空蕙氣香乳管折雲房願值壺中客親傳肘後方三  
更禮星斗寸七服丹霜默坐樹陰下仙經橫石床

送朴山人歸新羅

浩渺行無極揚帆但信風雲山過海半鄉一作樹入舟

中波定遙天出沙平遠岸窮離心寄何處目擊曙霞東

宿清遠峽山寺

寺近朝天路多聞玉佩音鑒人開慧眼歸鳥息禪心磬接星河曙窓連夏木深此中能宴坐何必在雲林

松山嶺

平生閒放久野鹿許為羣居止隣西嶽軒窓度白雲森心飯松子話道接茅君漢主恩情去空山起夕氛

句

浸漫三楚白渺渺九江寒

雪窓雜錄見吟

虛中

虛中宜春人客於馬氏住湘西栗城寺與齊已尚顏棲蟾為詩友碧雲集一卷今存詩十五首

泊洞庭

槐柳未知秋依依館驛頭客心俱念遠時雨自相留浪沒貨魚市帆高賣酒樓夜來思展轉故里在南州

善卷壇

耕荒鑿原時高趣在希夷大舜欲遜國先生空歛眉五  
溪清不足千古美無虧縱遣亡淳者何人投所思

石城金谷

晉祚一傾摧驕奢去不回只應荆棘地猶作綺羅灰  
孤兔閒生長樵蘇靜往來踟蹰意無盡寒日又西墮

庾樓

郡樓名甚遠幾換見樓人庾亮魂應在清風到白蘋晴  
軒分楚漢夜酒揖星辰何必匡山上獨言無世塵

經賀監舊居

不戀明皇寵歸來  
鏡水鴻道裝汀鶴識春醉釣人扶逐  
朵雲如吐成行雁  
侷驅蘭亭名景在蹤跡未為孤

獻鄭都官

早晚辭班列  
歸尋舊隱峰  
代移家集在身  
老詔書重藥  
秘仙都訣茶  
開蜀國封何當  
答羣望高躡傳巖蹤

寄華山司空圖二首

門徑放莎垂往來  
投刺稀有時  
開御札特地掛朝衣  
嶽

信僧傳去仙一作香鶴帶歸他年二南化一作旨無復更

衰微

逍遙短褐成一劍動精靈白晝夢仙島清晨禮道經  
苔苗侵野徑桑椹污閒庭肯要為隣者西南太華青

贈屏風巖栖蟾上人

巖房高且靜住此幾寒暄鹿嗅安禪石猿啼乞食村朝  
陽生樹罅古路一作道透雲根獨我閒相覓淒涼碧洞門

贈秀才

筠陽多勝致夫子縱游遨鳳鳥瑞不見鱸魚價轉高門  
開沙觜靜船繫樹根牢誰解伊人趣村沽對鬱陶

送遷客

倏忽墮鵠行天南去路長片言曾不諂獲罪亦何傷象  
戀藏牙浦人貪賣子鄉此心終合雪去已莫思量

哭悼朝賢

前昨日私第旋聞寢疾終四隣方響絕二月牡丹空塚  
已遷名境碑仍待至公祇應遺愛理長在楚南風

悼方干處士

先生在世日祇向鏡湖居  
明主未巡狩白頭閒釣魚  
煙莎一徑小洲島四隣疎  
獨有為儒者時來弔舊廬

聽軒轅先生琴

訣妙與功精通宵膝上橫  
一堂風冷淡千古意分明  
坐客神魂凝巢禽耳目傾  
酷哉商紂世曾不遇先生

芳草

綿綿芳草綠何處動深思  
金谷人亡後沙場日暖時  
龍

鱗藏有瑞風雨灑無私欲採蘭兼蕙清香可贈誰

句

喜魚在深處幽鳥立多時

馬侍中池亭紀事

菖蒲花不艷鶴

鵠性多靈

古今詩話

盤中是祥瑞天下恰炎蒸

賣冰者下吟窓雜錄

待暖還須去門前有路岐

夜坐

春雨無高下花枝有

短長春

老負峨眉月閑看雲水心

贈齊已五代史補

棲蟾

棲蟾居屏風巖詩十二首

短歌行

蟾光堪自笑浮世懶思量身得幾時活眼開終日忙千  
門無壽藥一鏡有愁霜早向塵埃一作雲泥外光陰任短長

除夜

一作尚  
顏詩

九冬三十夜寒與暖分開坐向四更後身添一歲來魚  
燈延臘火獸炭化春灰帝今應老迎新見幾回

宿巴江

江聲五十里瀉碧急於絃不覺日又夜爭教人少年一

汀巫峽月兩岸子規天山影似相伴濃遮到曉船

游邊

邊雲四顧濃飢馬嗅枯叢萬里八九月一身西北風偷  
營天正黑戰地雪多紅昨夜東歸夢桃花煖色中

居南嶽懷沈彬

石房開竹扉茗外獨支頤萬木還無葉百年能幾時隔  
雲聞狹過截雨見虹垂因憶嶽南客晏眠吟好詩

南中懷友生

荔枝江上立望北幾思量隔海無書劄前年在漢陽瘴  
村人起早銅柱象揩光居此成何事尋君過碧湘

贈南嶽玄泰布衲

曹溪入室人終老甚難羣四十餘年內青山與白雲松  
和巢鶴看果共野猿分海外僧來說名高自小聞

寄問政山聰威儀

先生卧碧岑諸祖是知音得道無一法孤雲同寸心嵐  
光薰鶴詔茶味敵人參苦向壺中去他年許我尋

送遷客

諫頻甘得罪一騎入南深若順吾皇意即無臣子心織  
花蠻市布擣月象州砧蒙雪知何日憑樓望北吟

讀齊已上人集

一作尚  
顏詩

詩為儒者禪此格的惟仙古雅如周頌清和甚舜絃冰  
生聽湊句香發早梅篇想得吟成夜文星照楚天

牧童

牛得自由騎春風細雨飛青山青草裏一笛一蓑衣日

出唱歌去月明撫掌歸何人得似爾無是亦無非

再宿京口禪院

灘聲依舊水溶溶岸影參差對梵宮楚樹七回凋舊葉  
江人兩至宿秋風蟾蜍竹老搖疎白菡萏池乾落碎紅  
多病支郎念行止晚年生計轉如蓬

御定全唐詩卷八百四十八

欽定四庫全書  
欽定全唐詩

御定全唐詩卷八百四十九

可朋

可朋丹稜人好酒自號醉髡玉壘集十卷今存詩四首

耕田鼓詩

農舍田頭鼓王孫蓬上鼓擊鼓兮皆為鼓一何樂兮一  
何苦上有烈日下有焦土願我天翁降之以雨令桑麻  
熟倉箱富不飢不寒上下一般

賦洞庭

周極八百里凝眸望則勞水涵天影澗山拔地形高賈  
客停非久漁翁轉幾遭颯然風起處又是鼓波濤

贈方干

盛名傳出自皇州一舉參差便縮頭月裏豈無攀桂分  
湖中剛愛釣魚休童偷詩稿呈隣叟客乞書題謁郡侯  
獨泛短舟何限景波濤西接洞庭秋

桐花鳥

五色毛衣比鳳雛深花叢裏祇如無美人買得偏憐惜  
移向金釵重幾銖

句

來多不似客坐久却垂簾

見紀事

虹收千嶂雨潮展半江

天

見劉公詩話

詩因試客分題僻基為饒人下著低傷

心盡日有啼鳥獨步殘春空落花

杜甫舊居

唯陪北楚三

千客多話東林十八賢

乍當暖景飛仍慢欲就芳叢

舞更高

蝶偶談

見

曇域

曇域貫休弟子也詩集若干卷今存三首

宿鄭諫議山居

堂開星斗邊大諫採薇還禽隱石中樹月生池上山涼  
風吹詠思幽語隔禪關莫擬歸城計終妨此地閒

懷齊已

鬢鬚秋景兩蒼蒼靜對茅齋一炷香病後身心俱澹泊  
老來朋友半凋傷峨眉山色侵雲直巫峽灘聲入夜長

猶喜深交有支遁時時音信到松房

贈島雲禪師

遠庵枯葉滿羣鹿亦相隨頂骨新生髮庭松長舊枝禪  
高太白月行出祖師碑亂後潛來此南人總不知

栖一

栖一武昌人與貫休同時詩二首

垓下懷古

緬想咸陽事可嗟楚歌哀怨思無涯八年子弟歸何處

萬里鴻溝屬漢家  
弓指陣前爭日月  
血流垓下定一走  
龍蛇拔山力盡烏江水  
今古悠悠空浪花

武昌懷古

戰國城池盡悄然  
昔人遺跡遍山川  
笙歌罷吹幾多日  
臺榭荒涼七百年  
蟬響夕陽風滿樹  
雁橫秋島雨漫天  
堪嗟世事如流水  
空見蘆花一釣船

處默

處默初與貫休同薙染後入廬山與修睦棲隱游詩一

卷今存八首

聖果寺

路自中峰上盤回出薜蘿到江吳地盡隔岸越山多古木叢青靄遙天浸白波下方城郭近鐘磬雜笙歌

送僧游西域

一盂兼一錫祇此度流沙野性雖為客禪心即是家寺披雲嶠雪路入曉天霞自說游諸國回應歲月賒

達煙

靄靄前山上凝光滿薜蘿高風吹不盡遠樹得偏多翠  
與晴雲合輕將淑氣和正堪流野目朱閣意如何

螢

熠熠與娟娟池塘竹樹邊亂飛如搜火成聚却無煙微  
雨灑不滅輕風吹欲燃昔時書案上頻把作囊懸

憶廬山舊居

麤衣糲食老煙霞免把衰顏惜歲華獨鶴祇為山客伴  
閒雲常在野僧家叢生嫩蕨粘松粉自落乾薪帶鮮花

明月清風舊相得十年歸恨可能賒

題棲霞寺僧房

名山不取買山錢任構花宮近碧巔松檜老依雲裏寺  
樓臺深鎖洞中天風經絕嶂回疎雨石倚危屏挂落泉  
欲結茅菴共師住肯饒多少薜蘿煙

山中作

席簾高捲枕高敲門掩垂蘿蘸碧溪間把史書眠一覺

起來山日過松西

織婦

蓬鬢蓬門積恨多，夜闌燈下不停梭。  
成縫猶自陪錢納，

未直青樓一曲歌。

句

太平時節無人看，雪刃閒封滿匣塵。

劍見王正字詩格

修睦

修睦光化中為洪州僧，正與貫休處默棲隱為詩友。詩

二十首

秋日閒居

是事不相關誰人似此閒卷簾當白晝移榻對青山野鶴眠松上秋苔長雨間岳僧頻有信昨日得書還

宿岳陽開元寺

竟夕憑虛檻何當興歎頻往來人自老今古月常新風  
逆一作送風送沈魚唱松疎露鶴身無眠鐘又動幾容在迷津

送邊將

人盡有離別而君獨可一作無嗟言將身報國敢望祿榮

家戰思風吹野鄉心月照一作沙歸期定何日塞北樹  
滿

無花

雪中送人北游

然知心去速其奈雪飛頻莫喜歎一作無危道雖平更陷

人遠郊光接漢曠野色通秦此去迢遙極却回應過春

落葉

雨過閒田地重重落葉

一作盡

紅翻思向春日肯信有秋

風幾處隨流水河邊亂暮空祗應松自立而不與君同

落花

一片又一片等閒苔面紅不能延數日開亦是春風公子歌聲歇詩人眼界空遙思故山下經雨兩三叢

題田道者院

入門空寂寂真箇出家兒有行鬼不見無心人謂癡古巖寒柏對流水落花隨欲別一何嬾相從所恨遲

東林寺

欲去不忍去徘徊吟繞廊水光秋澹蕩僧好語尋常碑

古苔文疊山晴鐘韻長翻思南嶽上欠此白蓮香

寄賈休上人

常語亦闢詩常流安得知楚郊來未久吳地住多時立  
月無人近歸林有鶴隨所居渾不遠相識偶然遲

喜僧友到

十年消息斷空使夢煙蘿嵩嶽幾時下洞庭何日過瓶  
乾離澗久衲壞卧雲多意欲相留住游方肯舍麼

懷虛中上人

簷雨滴更殘思君安未安湘川聞不遠道路去尋難吟  
鬢霜應蝕禪衣雪漸寒倚松因獨立一鳥下江干

簡寂觀

正同高士坐煙霞思著閒忙又是嗟碧岫觀中人似鶴  
紅塵路上事如麻石肥帶雨添蒼蘚松老涵風落翠花  
莫道此間無我分遺民長在惠持家

睡起作

長空秋雨歇睡起覺精神看水看山坐無名無利身偈

吟諸祖意茶碾去年春此外誰相識孤雲到砌頻

賣松者

求利有何限將松入市來直饒人買去也向柳邊裁細葉猶粘雪孤根尚惹苔知君用心錯舉世重花開

思齊已上人

同人與流俗相謂好襟靈有口不他說長年自誦經水聲秋後石一作室山色晚來庭客問修何法指松千歲青

送玄泰禪師

去去去何住一盂兼一瓶水邊寒草白島外晚峰青宿處林聞虎行時天有星回期誰可定浮世重看經

### 三生石

聖迹誰會得每到亦徘徊一尚不可得二從何處來清宵寒露滴白晝野雲隈應是表靈異凡情安可猜

### 題僧夢微房

東海日未出九衢人已行吾師無事坐苔蘚入門生雨過閒花落風來古木聲天台頻說法石壁欠題名

秋臺作

獨上高樓上客情何物同孤雲無定處長日信秋風兄弟多年別關河此夕中到頭歸去是免使歎洪濛

懷故園

故園歸未得此日意何傷獨坐水邊草水流春日長

無作

無作字不用姓司馬氏吳越四明山僧善草隸詩歌不

謁王侯自號逍遙子詩一首

謝武肅王

雲鶴性孤單爭堪名利關銜恩雖入國辭命却歸山

清尚

清尚與齊已同時詩一首

哭僧

道力自超然身亡同坐禪水流元在海月落不離天溪  
白莖時雪風香焚處煙世人頻下淚不見我師玄

乾康

乾康零陵人詩二首

投謁齊已

隔岸紅塵忙似火當軒青嶂冷如冰烹茶童子休相問  
報道門前是衲僧

賦殘雪

康謂永州守覩其老醜不信能詩時積雪方消命為題試之守大驚曰其旨不

淺待以

殊禮

六出奇花已住開郡城相次見樓臺時人莫把和泥看  
一片飛從天上来

句

鏡湖中有月處士後無人  
荻筍抽高節鱸魚躍老鱗方經  
千舊居甚為  
齊己所稱

御定全唐詩卷八百四十九

欽定四庫全書  
欽定全唐詩卷一萬八千二百五十五

集部

御定全唐詩卷八百五十

雲翼詩一

招隱第四句  
缺一字

連峰數千里修林帶平津雲起遠山翳風至  
荒榛茅茨隱不見雞鳴知有人躡磴踐其跡處處見遺薪乃知  
百代下固有上皇民

隱求一作隱丘  
詩一首

石橋琪樹

山上天將近人間路漸遙誰當雲裏見知欲渡仙橋

智遠詩一  
首

律僧

瀘水與龕燈長長護有情

衆生謂  
有情

自從青草出便不下階

行北闕應無夢南山舊有名將何喻浮世惟指浪鷗輕

無悶

詩二  
首

暮春送人

折柳亭邊手重攜江煙澹澹草萋萋杜鵑不解一作離

人意更向落花枝上啼

寒林石屏

草堂無物伴身閒惟有屏風枕簟間本向他山求石得  
却於石上看他山

尚志詩一首

江上秋思

一作尚顏詩

到來江上久誰念旅游心故國無秋信隣家有暮砧坐

遙翻不睡愁極却成吟即恐髭連鬢還為白所侵

玄寶詩一

路

南北東西去茫茫萬古塵關河無盡處風雪有行人險  
極山通蜀平多地入秦營營名利者來往豈辭頻

懷浦詩二

贈智舟三藏

壯歲心難伏師心伏豈難尋常獨在院行坐不離壇岳

雪當禪暝松聲入咒寒更因文字外多把史書看

初冬旅舍早懷

枕上角聲微離情未息機夢回三楚寺寒入五更衣月  
沒樓禽動霜晴凍葉飛自慚行役早深與道相違

亞棲

詩二首

對御書後一絕

通神筆法得玄門親入長安謁至尊莫怪出來多意氣

草書曾悅聖明君

題英禪師

將知德行異尋常，每見持經在道場。  
欲識用心精潔處，

一瓶秋水一爐香。

惟審詩三首

別友人

一身無定處，萬里獨銷魂。  
芳草迷歸路，春衣滴淚痕。  
幾時休一作同旅食，向夜宿江村。  
欲識異鄉苦，空山啼暮猿。

賦得聞曉鶯一作黃鳥啼

黃鳥啼

捲簾清夢後芳樹引流鶯隔葉傳春意穿花送曉聲未  
調雲路翼空負桂枝情莫盡關關一作西興羈愁正厭生

春日旅懷呈知己

生涯萬事有蒼蒼應任流萍便越鄉春水獨行人漸遠  
故園歸夢一作路夜空長一聲隔浦猿啼處數滴驚心淚  
滿裳不為知音皆鮑叔信誰一作憑江上去茫茫

慕幽

首詩六

劍客

去住知一作何處空將一劍行殺人雖取次為事愛公平  
戟立嗔髭鬢星流忿眼睛曉來湘市一作說拂曙別遼  
城

酬和友人見寄

一作冬日淮上別文上人

勞歌好自看終久偶齊桓五字若教易一名爭得難侵

窓紅樹

一作葉

老蔭砌雪花殘莫効齊僚屬東歸翦釣竿

冬日淮上別文上人

一作酬和友人見寄

家國各萬里同吟六七年可堪隨北雁迢邇向南天水

共一作與

行人遠山將落日連春淮有雙鯉莫忘尺書傳

柳

今古憑君一贈行幾回折盡復重生五株斜傍淵明宅  
千樹低垂太尉營臨水帶煙蔵翡翠倚風兼雨宿流鶯  
隋皇隄畔一作上依依在曾惹當時歌吹聲

三峽聞猿

誰向茲來不恨生聲聲都是斷腸聲七千里外一家住  
十二峰前獨自行瘴雨晚藏神女廟蠻煙寒鎖夜郎城

憑君且聽一作莫哀吟好會待青雲道路平

燈

鐘斷危樓鳥不飛熒熒何處最相宜香然水寺僧開卷  
筆寫春幃客著詩忽爾思多穿壁處偶然心盡斷纓時  
孫康勤苦誰能念少減餘光借與伊

釋彪詩一

寶琴

吾有一寶琴價重雙南金刻作龍鳳象彈為山水音星

從徽裏發風來絃上吟鍾期不可遇誰辨曲中心

法輪詩一

觀大駕出叙事寄懷

見文苑英華

紫臺宵漏竭青門曙鼓通輕霞照複道徐吹轉相風玉  
鸞光萬騎金輿鬱五戎鳴笳猶度闕清蹕尚喧宮雲旗  
亂陌紫羽旆雜塵紅百城歸北麗兩漢久慚雄吾曹陋  
薄技餘慶洽微躬平原已起洛印手亦還豐得奉衣冠  
盛仍觀書軌同猶言待封告未忍向華嵩

尚能詩一

中秋旅懷

所畜惟騷雅兼之得固窮望鄉連北斗聽雨帶西風稼  
穡村坊遠煙波路逕通冥搜清絕句恰似有神功

句

霜洲楓落盡月館竹生寒

見萬花谷

常雅詩一

題伍相廟

奢華古廟映林巒  
漠漠煙霞覆古壇  
精魄不知何處在

威風猶入浙江寒

滄浩詩一  
首

懷舊山一作別嘉  
興知已

一坐西林寺從來未下山  
不因尋長者無事到人間  
宿雨愁為客  
寒花笑未還一作寒禽  
散未還  
空懷舊山月童子誦

經閒

若水詩一  
首

題慧山泉

石脈綻寒光松根噴曉涼注餅雲母滑漱齒芙蓉香野客偷煎茗山僧借淨床安禪何所問孤月在中央

文鑒

詩一

題馬跡山

瀛洲西望沃洲山山在平湖縹渺間常說使君千里馬至今龍跡尚堪攀

御定全唐詩卷八百五十

欽定四庫全書會要卷一萬八千二百五十六

集部

御定全唐詩卷八百五十一

慈恩寺沙門

高宗

時

和御製遊慈恩寺

皇風扇祇樹至德茂禪林仙華曜日彩神籞曳遠陰綺  
殿籠霞影飛閣出雲心細草希慈澤恩光重更深

水心寺僧

贈賈松先輩

嵯峨山上石歲歲色長新若使盡成寶誰為知已人

無名釋

古梅

火虐風饕水漬根霜皴雪皴古苔痕東風未肯隨寒暑  
又蘖清香與返魂

南唐失名僧

月

徐徐東海出漸漸上天衢此夜一輪滿清光何處無前

句一作圓  
圓離海  
嶠漸漸出雲衢

吳越僧

武肅王有旨石橋設齋會進一詩共六首

南有天台事可尊  
孕靈舍秀獨超羣  
重重曲澗侵危石  
步步層巖踏碎雲  
金雀每從雲裏現  
異香多向夜深聞  
當知此界非凡界  
一道幽奇各自分

仙源佛窟有天台  
今古嘉名遍九垓  
石磴嵌空神匠出  
湧泉雄壯雨聲來  
景強偏感高僧上  
地勝能令遠思開

一等翹誠依此處自然靈貺作梯媒

智泉福海莫能逾親自王恩運睿謨感現盡冥心境界  
資持全固道根株石梁低翥紅鸚鵡煙嶺高翔碧鷓鴣  
勝妙重重惟禱祝永資軍庶息災虞

凌晨迎請倍精誠親散鮮花異處清羅漢攀枝呈梵相  
巖僧倚樹現真形神幡雙出紅霞動寶塔全開白氣生  
都為王心標意切滿空盈月瑞分明

幡花寶蓋滿青川祈禱迎來聖半天莫道勝緣無影響

須知嘉會有因緣  
空中長似聞天樂  
巖畔常疑有地仙  
何必更尋兜率去  
重重靈應事昭然

登雲步嶺涉煙程  
好景隨心次第生  
聖者已符祥瑞事  
地靈全副禱祈情  
洞深重疊施雲濕  
灘淺潺湲漱水清  
願滿事圓歸去路  
便風相送片帆輕

唐末僧

題戶詩

枕有思鄉淚  
門無問疾人  
塵埋牀下履  
風動架頭巾

神迥

臨晉人姓田貞觀間流化岷峨為道俗宗仰

逸句

鶗鳴東牖曙草秀南湖春

見詩式

可隆

字了空俗姓慕容住福州東禪院五代時人

逸句

萬般思後行一失廢前功

觀棋

爾鳥

唐末蜀沙門

逸句

鯨日光燒半海紅鰲頭浪蹙天白

見詩話  
總歸

元礎

上都僧

逸句

寺隔殘潮去 採藥過泉聲 林塘秋半宿風雨夜深來

悟清

唐僧

逸句

鳥歸花影動魚沒浪痕圓

契盈

閩中人住杭州龍華禪寺

逸句

三千里外一條水十二時中兩度潮

見五代史補

澹然

逸句

到處自鑿井不能飲常流

庭實

僧江南

逸句

吟中雙鬢白笑裏一生貧

見詩史

知業

吳越時湖州聖  
保寺僧有詩名

逸句

第二句  
缺一字

接岸橋通何處路倚欄人

是誰家

見蓀光錄

雲容

逸句

木末上明星

元幽

逸句

三萬蓮經三十春半生不蹋院門塵

志定

逸句

惟有鉢前今夜月當時曾照墮樓人梧桐葉老蟬聲

死一夜洞庭波上風

見張為  
主客圖

靈準

逸句

晴看漢水廣秋覺峴山高

荊州僧

逸句

犬熟護鄰房

卷八百五十一

卷八百五十一



御定全唐詩卷八百五十一



總校官庶吉士臣張能照  
校對官中書臣張 壽  
謄錄舉人臣王會燕

欽定四庫全書會要

集部

御定全唐詩卷八百五十五

二至

詳校官原任主事臣李斯咏

欽定四庫全書  
欽定全唐詩卷八百五十七

集部

御定全唐詩卷八百五十二

司馬承禎

馬承禎字子徵河內人好學工篆隸居天台紫霄峰  
則大睿宗明皇累召見問道術後居王屋山卒贈真一  
先生詩一首

答宋之間

時既暮兮節欲春山林寂兮懷幽人登奇峯兮望白雲

悵緬邈兮象欲紛白雲悠悠去不返寒風颼颼吹日晚  
不見其人誰與言歸坐彈琴思逾遠

張氳

張氳一名蘊字藏真晉州人神情秀逸脩閒學道不娶  
嘗寓李嶠家十餘年棲息洪崖古壇自號洪崖子天后  
及明皇朝屢召不赴詩三首

醉吟三首

去歲無田種今春乏酒材從他花鳥笑佯醉卧樓臺

下調無人睬高心又被瞋不知時俗意教我若為人

入市非求利過朝不為名有時隨俗物相伴且營營

司馬退之

司馬退之開元中道士詩一首

洗心

不踐名利道始覺塵土腥不味稻粱食始覺精神

一作  
神骨

清羅浮奔走外日月無短明山瘦松亦勁鶴老飛更輕

逍遙此中客翠髮皆長生草木多古色雞犬無新聲君

有出俗志不貪英雄名傲然脫冠帶改換人間情去矣

丹霄路向曉雲冥冥

裴翛然

裴翛然楚州刺史思訓之子開元中為道士好詩酒善

丹青詩一首

夜醉卧街

開元中夜醉卧街

犯禁乃為此詩

遮莫鼈鼈動鼓

一作

須傾滿滿杯金吾如借問但報

一作道

玉山頽

軒轅彌明

軒轅彌元和中衡山道士詩一首

謁堯帝廟

桂州堯廟有開元二年  
彌明謁堯詩自宋鐫石

祖龍開國盡遐荒廟建唐堯鎮此邦山卷白雲朝帝座  
林踈紅日列仙幢巍巍聖蹟陵松嶠蕩蕩恩波洽桂林  
瞻仰威靈共回首紫霞深處鎖軒窓

陳寡言

陳寡言字太初暨陽人從田良逸學道元和中住桐柏

# 山詩二首

## 山居

照水冰如鑑掃雪玉為塵何須問今古便是上皇人  
醉卧茅堂不閉關覺來開眼見青山松花落處宿猿在  
麋鹿羣羣林際還

## 臨化示弟子

我本無形暫有形偶來人世逐營營輪迴債負今還畢  
搔首翛然歸上清

李昇

李昇字雲舉江夏人學煉氣養形之術與元白善年百  
餘歲卒詩一首

元白席上作

一作呂巖遇  
鍾離先生作

生在儒家遇太平懸纓垂帶布衣輕誰能世路趨名利  
臣事玉皇歸上清

范堯佐

范堯佐長慶元和中道士詩一首

一字至七字詩

以題為韻同王起諸公送白居易分司東都作

書

書憑鴈寄魚出王屋入匡廬文生益智道著清虛葛洪  
一萬卷惠子五車餘銀鉤屈曲索靖題橋司馬相如別  
後莫睽千里信數封緘送到閒居

徐霸府

徐霸府自號默希子錢塘人居天台虎頭巖上以脩煉  
自樂武宗詔徵之力辭免嘗撰天台山記三洞要畧玄

鑑等書詩三首

言志獻浙東廉訪辭召

野性歌三樂皇恩出九重那煩紫宸命遠下白雲峰多  
媿書傳鶴深慚紙畫龍將何佐明主甘老在巖松

自詠二首

寂寂凝神太極初無心應物等空虛性修自性非求得  
欲識真人祇是渠

學道全真在此生何須待死更求生今生不了無生理

縱復生知那處生

一作 侯

吳子來

吳子來大中末道士詩二首

留觀中詩二首

雲笈七籤云子來止成都雙流縣興唐觀中養氣絕粒時亦飲

酒他無所營一日自寫其真并詩

二章留遺觀中道士費玄真去

終日草堂間清風常往還耳無塵事擾心有覩雲閒對  
酒惟思月餐松不厭山時時吟內景自合駐童顏

此生此物當生涯白石青松便是家對月卧雲如野鹿

時時買酒醉煙霞

御定全唐詩卷八百五十二

欽定四庫全書會要卷一萬八千二百五十八

集部

御定全唐詩卷八百五十三

吳筠

吳筠字貞節華州華陰人少通經善屬文舉進士不第  
去入嵩山為道士明皇聞其名遣使徵至待詔翰林天  
寶中堅求還山尋入會稽隱剡中大歷中年卒弟子私  
謚為宗玄先生集十卷今編詩一卷

遊仙二十四首

啓冊觀往載搖懷考今情終古已寂寂舉世何營營悟  
彼衆仙妙超然含至精凝神契沖玄化服凌太清心同  
宇宙廣體合雲霞輕翔風吹羽蓋慶霄拂霓旌龍駕朝  
紫微後天保令名豈如寰中士軒冕矜慙榮

鸞鳳棲瑤林鵠鶴集平楚飲啄本殊好翶翔終異所吾  
方遺謚囂立節慕高舉解茲區中戀結彼霄外侶誰謂  
天路遐感通自無阻

愍俗從遷謝尋仙去淪沒三元有真人與我生道骨凌

晨吸丹景入夜飲黃月百闕彌調暢方寸益清越棲神  
合虛無洞覽周恍惚不覺隨玉皇焚香詣金闕

西龜初定籙東華已校名三官無遺譴七祖升雲輶體  
妙塵累隔心微玄化并一朝出天地億載猶童嬰使我  
齊浩劫蕭蕭宴玉清

怡神在靈府皎皎含清澄仙經不吾欺輕舉信有徵疇  
昔希道念而今果天矜豈非陰功著乃致白日升焉用  
過洞府吾其越朱陵

高真誠寥邈道合不我遺孰謂姑射遠神人可同嬉結  
駕從之遊飄飄出天垂不理人自化神凝物無疵因知  
至精感足以和四時

碧海廣無際二山高不極金臺羅中天羽客恣遊息霞  
液朝可飲虹芝晚堪食嘯歌自忘心騰舉寧假翼保壽  
同三光安能紀千億

將過太帝宮整詣扶桑處真童已相迓為我清宿霧海  
若寧洪濤義和止奔馭五雲結層閣八景動飛輿青霞

正可挹丹祺時一遇留我宴玉堂歸軒不令遽

欲超洞陽界試鑒丹極表赤帝躍火龍炎官控朱鳥導  
我升絳府長驅出天杪陽靈赫重暉四達何皎皎為爾  
流飄風羣生遂無天

予因詣金母飛蓋超西極遂入素中天停輪太濛側若  
華拂流影不使白日匿傾曦復亭午六合無暝色道化  
隨感遷此理誰能測

九龍何蜿蜿載我升雲網臨睨懷舊國風塵混蒼茫依

依遠人寰去去邇帝鄉上超星辰紀下視日月光倏已  
過太微天居煥煌煌

停驂太儀側整服金闕前肅肅承上帝鏘鏘會羣仙鴻  
鑪發靈香一作音廣廡張鈞天玉醴洽中座霞膏充四筵  
良期無終極俛仰移億年

峻朗妙門闢澄微真鑒通瓊林九霞上金闕三天中飛  
虬躍慶雲翔鶴搏靈風鬱彼玉京會仙期六合同

予昇至陽元一作源欲憩明霞館飄飄瓊輪舉曠曠金景

散結虛成萬有高妙咸可翫玉山鬱嵯峨海杳無岸  
斂賞過千椿遐齡誰復算

招攜紫陽友合宴玉清臺排景羽衣振浮空雲駕來靈  
旛七曜動瓊障九光開鳳舞龍璈奏此軒殊未廻

高升紫極上宴此玄都岑玉藻散奇香瓊柯流雅音靈  
風生太漠習習吹人襟體混希微廣神凝空洞深蕭然  
宇宙外自得乾坤心

晨登千仞嶺俯瞰四人居原野間城邑山河分里闐眇

彼埃塵中爭奔聲利途百齡寵辱盡萬事皆為虛自昔無成功安能與爾俱將期駕雲景超跡升天衢

骨鍊體彌清鑒明塵已絕恬夷宇宙泰煥朗天光徹羽服參煙霄童顏皎冰雪隱符千鹿駭鳴玉萬帝悅遂使區宇中祆氣永淪滅

朝逾弱水北夕憩鍾山頂頽頷清玄宮禹強掃幽境燭龍發神曜陰野彌煥炳導達三氣和驅除六天靜玉樓互相暉煙客何秀穎一舉流霞津千年在俄頃

揚蓋造辰極乘煙遊閬風上元降玉闈王母開琳宮天  
人何濟濟高會碧堂中列侍奏雲歌真音滿太空千年  
紫柰熟四劫靈瓜豐斯樂異荒譙陶陶殊未終  
整駕辭五嶽排煙凌九霄紛然太虛中羽旆更相招且  
盼蓬壺近誰言崑崙遙悠悠竟安適仰赴三天朝  
予招三清友迥出九天上撓桃絕漠中差池遙相望大  
空含常明八外無隱障鸞鳳有逸翮泠然恣飄颻寥寥  
唯玄虛至樂在神王

縱身太霞上眇眇虛中浮八威先啓行五老同我遊靈  
景何灼灼祥風正寥寥嘯歌振長空逸響清且柔遨嬉  
無迹賞顧眄皆真儔不疾而自速萬天俄已周

返視太初先與道冥至一空洞凝真精乃為虛中實變  
通有常性合散無定質不行迅飛電隱曜光白日玄棲  
忘玄深無得固無失

覽古十四首

聖人重周濟明道欲救時孔席不暇暖墨突何嘗繙興

言振頽綱將以有所維君臣恣淫惑風俗日凋衰三代  
業遂隕七雄遂交馳庶物墜炭區中若棼絲秦皇燎  
儒術方冊靡子遺大漢歷五葉斯文復崇推乃驗經籍  
道與世同屯夷弛張固天意設教安能持

興亡道之運否泰理所全奈何淳古風既往不復旋三  
皇已散朴五帝初尚賢王業與霸功浮偽日以宣忠誠  
及狙詐殺混安可甄餘智入九霄守愚淪重泉永懷巢  
居時感涕徒泣然

棟宇代巢穴其來自三皇跡生固為累經始增百王瑤  
臺既滅夏瓊室復墮湯覆車世不悟秦氏興阿房繼踵  
迷反正漢家崇建章力役弊萬人瓊竒殫八方徇志仍  
未極促齡已云亡侈靡竟何在荆榛生廟堂

閒居覽前載惻彼商與秦所殘必忠良所寶皆兒嚚昵  
諛方自聖不悟禍滅身箕子作周輔孫通為漢臣洪範  
及禮儀後王用經綸

吾觀采苓什復感青蠅詩讒佞亂忠孝古今同所悲姦

邪起狡猾骨肉相殘夷漢儲頃江充晉嗣滅驪姬天性  
猶可間君臣固其宜子胥烹吳鴻文種斷越鉞屈原沈  
湘流厥戚咸自貽何不若范蠡扁舟無還期

嘗稽真仙道清寂祛衆煩秦皇及漢武焉得遊其藩情  
擾萬機屑位騎四海尊既欲先宇宙仍規後乾坤崇高  
與久遠物莫能兩存矧乃恣所慾荒淫伐靈根金膏恃  
延期玉色復動魂征戰窮外域殺傷被中原天鑒諒難  
誣神理不可謾安期返蓬萊王母還崑崙異術終莫告

悲哉竟何言

魯侯祈政術尼父從棄捐漢主思英才賈生被一作排  
遷始皇重韓子及覩乃不全武帝愛一作欽相如既徵復

忘賢貴遠世咸爾賤今理共然方知古來主難以効當

年

食其昔未偶落魄為狂生一朝君臣契雄辯何縱橫運  
籌康漢業憑軾下齊城既以智所達還為智所烹豈若  
終貧賤酣歌本無營

晁錯抱遠策為君納良規削彼諸侯權永用得所宜安  
臣負舊隙乘釁謀相危世主竟不辨身戮宗且夷漢景  
稱欽明濫罰猶如斯比干與龍逢殘害何足悲

絳侯成大績賞厚位仍尊一朝對獄吏榮辱安可論蘇  
生佩六印奕奕為殃源主父食五鼎昭昭成禍根李斯  
佐二辟巨釁鍾其門霍孟翼三后伊戚及後昆天人忌  
盈滿茲理固永存方知得意者何必乘朱輪滅景栖遠  
壑弦歌對清樽二疏返海濱蔣詒歸林園蕭灑去物累

此謀誠足敷

至人順通塞委命固無疵吾觀太史公可謂識道規留  
滯焉足憤感懷殄生涯吾歎襲夫子秉義確不移晦跡  
一何晚天年天當時薰膏自銷鑠楚老空餘悲

達者貴量力至人尚知幾京房洞幽贊神奧咸發揮如  
何嫉元惡不悟禍所歸謀物闇謀已誰言爾精微以上二首

一首  
一本作

玄元明知止大雅尚保躬茂先洽聞者幽蹟咸該通弱

年賦鷦鷯可謂達養蒙晚節希鸞鵠長飛戾曾穹知進  
不知退遂令其道窮伊昔辨福初胡為迷禍終方驗嘉  
遁客永貞天壤同

聖人垂大訓奧義不苟設天道殃頑兇神明祐懿哲斯  
言猶影響安得復迴穴鰐瞍誕英睿唐虞育聾孽盜跖  
何延期顏生乃短折魯隱全克讓禍機遂潛結楚穆肆  
巨逆福柄奚赫烈田常弑其主祚國久罔缺管仲存霸  
功世祖一作祀成詭說漢氏方版蕩羣闈恣邪譎謇謇陳

蕃徒孜孜抗忠節誓期區宇靜爰使兇醜絕謀協事靡

從俄而反誅滅古來若茲類紛擾難盡列道遐理微茫

誰為我昭晰吾將詢上帝寥廓詎躋徹已矣勿用言忘

懷庶自悅

自楚穆以下一  
本分作二首

步虛詞十首

衆仙仰靈範肅駕朝神宗金景相照曜凌迤升太空七

玄已高飛火鍊生珠

一作朱

宮餘慶逮天壤平和王道融

八威清遊氣

一作氣

十絕舞祥風使我躋陽源

一作原

其來

自陰功逍遙太霞上真鑒靡不通

逸轡登紫清乘光邁奔電閨風隔三天俯視猶可見玉  
闌標散朗瓊林鬱葱蒨自非挺金骨焉得諧夙願真朋  
何森森合景恣遊宴良會忘淹留千齡纔一眄

三宮發明景朗照同鬱儀紛然馳飈歛上采空清蕤令  
我洞金色後天耀瓊姿心協太虛靜寥寥竟何思玄中  
有至樂淡泊終無為但與正真友飄飄散一作從遨嬉

稟化凝正氣鍊形為真仙忠心符元宗返本協自然帝

一集絳宮流光出丹玄元英與桃君朗詠長生篇六府  
煥明霞百關一作羅紫煙飈車涉寥廓靡乘景遷不  
覺雲路遠斯須遊萬天

扶桑誕初景羽蓋凌晨霞倏歛造西域嬉遊金母家碧  
津湛洪源灼爍敷荷花煌煌青琳宮粲粲列玉華真氣  
溢絳府自然思無邪俯矜區中士天濁良可嗟

瓊臺劫萬仞孤映大羅表常有三素雲凝光自飛繞羽  
幢泛明霞升降何縹渺鸞鳳吹雅音栖翔絳林標玉虛

無晝夜靈景何皎皎一覩太上京方知衆天小

灼灼青華林靈風

一作鳳

振瓊柯三光無冬春一氣清且

和迴首邇結靈傾眸親曜羅豁落制六天流鈴威百魔

絲絲慶不極誰謂椿齡多

高情

一作清

無侈靡遇物生華光至樂無簫歌金玉音琅

琅

一作自琳琅

或登明真臺宴此羽景堂杳靄結寶雲霏

微散靈香天人誠遐曠歡泰不可量

爰從太微上肆覲虛皇尊騰我八景輿威遲入天門既

登玉宸庭肅肅仰紫軒敢問龍漢末如何闢乾坤怡然  
輶雲璈告我希夷言幸開至精理方見造化源

二氣播萬有化機無停輪而我操其端乃能出陶鈞寥

寥大漠一作升天漢上所遇皆清真澄瑩含元和氣同自相

親絳樹結丹實紫霞流碧津以茲保童嬰永用超形神

登北固山望海

此一作北山鎮京口迥出滄海湄躋覽何所見茫茫潮汐

馳池一作雲生蓬萊島日出扶桑枝萬里混一色焉能分

兩儀願言策煙駕縹渺尋安期揮手謝人境吾將從此辭

聽尹鍊師彈琴

至樂本太一幽琴和乾坤鄭聲久亂雅此道稀能尊吾見尹仙翁伯牙今復存衆人乘其流夫子達其源在山峻峯峙在水洪濤奔都忘邇城闕但覺清心魂代乏識微者幽音誰與論

題龔山人草堂

世人負一美未肯甘陸沈獨抱匡濟器能懷真隱心結  
廬邇城郭及到雲木深滅跡慕頴陽忘機同漢陰啓戶  
面白水憑軒對蒼岑但歌考槃詩不學梁父吟茲道我  
所適感君齊素襟戢哉龔夫子勿使贊塵侵

遊廬山五老峰

彭蠡隱深翠滄波照芙蓉日初金光滿景落黛色濃雲  
外聽猿鳥煙中見杉松自然符幽情瀟灑愜所從整策  
務探討嬉遊任從容玉膏正滴瀝瑤草多芊芊羽人栖

層崖道合乃一逢揮手欲輕舉為余扣瓊鐘空香清人  
心正氣信有宗永用謝物累吾將乘鸞龍

登廬山東峰觀九江合彭蠡湖

百川灌彭蠡秋水方浩浩九派混東流朝宗合天沼寫  
心陟雲峰縱目還縹渺宛轉衆浦分差池羣山繞江妃  
弄明霞彷彿呈窈窕而我臨長風飄然欲騰矯昔懷滄  
洲興斯志果已紹焉得忘機人相從洽魚鳥

建業懷古

炎精既失御宇內為三分吳王霸荆越建都長江瀆晏  
資股肱力以靜淮海民魏后欲濟師臨流遽旋軍豈惟  
限天塹所忌在有人惜哉歸命侯淫虐敗前勲銜璧入  
洛陽委躬為晉臣無何覆宗社為爾含悲辛俄及永嘉  
末中原塞胡塵五馬浮渡江一龍躍天津此時成大業  
實賴賢縉紳闢土雖未遠規模亦振振謝公佐王室仗  
節掃偽秦誰為吳兵辱用之在有倫荐苒宋齊末斯須  
變梁陳綿歷已六代興亡互紛綸在德不在險成敗良

有因高堞復于隍廣殿摧于榛王風久泯滅勝氣猶氤  
氳皇家一區域玄化通無垠常言宇宙泰忽遘雲雷屯  
極目梁宋郊茫茫晦妖氛安得倚天劒斬茲橫海鱗徘徊  
一作服 徘江山暮感激為誰申

經羊角哀墓作

祇召出江國路傍旌古墳伯桃葬角哀墓近荆將軍神  
道不相得稱兵解其紛幽明信難知勝負理莫分長呼  
遂刎頸此節古未聞兩賢結情愛骨肉何足云感子初

併糧我心正氣氤遲迴駐征騎不覺空林醺

過天門山懷友

舉帆遇風勁逆勢如飛奔縹渺凌煙波崩騰走川原兩  
山夾滄江豁爾開天門須臾輕舟遠想象孤嶼存歸路  
日已近怡然慰心魂所經多奇趣待與吾友論一日如  
三秋相思意彌敦

舟中遇柳伯存歸潛山因有此贈

澆風久成俗真隱不可求何悟非所冀得君在扁舟目

擊道已存一笑遂忘言况觀絕交書兼覩箴隱文  
見君浩然心視世如浮空君歸潛山曲我復廬山中形  
間心不隔誰能嗟異同他日或相訪無辭馭冷風

舟中夜行

榜人識江路挂席從宵征莫辨洲渚狀但聞風波驚陰  
雲正飄颻落月無光晶豈不畏艱險所憑在忠誠何時  
達遙夜佇見初日明

晚到湖口見廬山作呈諸故人

夜舟達湖口漸近廬山側高高標橫天隐隐何峻極石  
鏡啓晨暉鱸煙凝寒色旅泊將休暇歸心已躋陟虛名  
久為累使我辭逸域良願道不違幽襟果茲得故人在  
雲嶠乃復同宴息鴻飛入青冥虞氏人一作罷繒弋

苦春霖作寄友

應龍遷南方霪雨備一作漏江干俯望失平陸仰瞻隱崇  
巒陰風斂暄氣殘月淒已寒時鳥戢好音衆芳亦微殘  
萬流注江湖日夜增波瀾數君曠不接悄然無與歡對

酒聊自娛援琴為誰彈彈為愁霖引曲罷仍永歎此歎  
因感物誰能識其端寫懷寄同心詞極意未彈

酬葉縣劉明府避地廬山言懷詒鄭錄事昆季

苟尊師兼見贈之

明哲良罕遇遇君輒思齊挺生著天爵自可析人珪河  
洛初沸騰方期掃虹霓時命竟未合安能親鼓鼙從此  
罷飛鳬投簪辭割雞驅車適南土忠孝兩不睽廬嶽鎮  
江介於焉愜林棲入門披綵服出谷杖紅藜隱令舊間

里而今復成躋鄭公解簪綏華萼曜松谿賢哉苟徵君  
減跡為圃畦顧已成非薄忝茲忘筌蹄相觀對綠樽逸  
思凌丹梯道泰我長往時清君勿迷王孫且無歸芳草

正萋萋

高士詠

有序

易稱君子之道或出或處或默或語蓋出而語者  
所以佐時致理處而默者所以居靜鎮躁故雖無  
言亦幾於利物豈獨善其身而已哉夫子曰隱居

以求其志行義以達其道所謂百慮一致殊途同  
歸者也夫好同惡異人之常情予自弱年竊尚真  
隱遠覽先達實怡我心雖不見古人而餘風可仰  
是則是倣其唯嘉遁之士乎故企慕之不足則師  
友之師友之不足則詠歌之聊樂我員於是乎在  
昔玄晏先生皇甫謐因其所美而著高士傳梁伯  
鸞有高士頌愚今有高士詠亦各一時之志耳太  
初渺邈難得而詳洪崖之流無跡可紀故始於混

元皇帝終於陶徵君舉其絕倫明其標的為五十  
首以吟諷其德音焉

混元皇帝

玄元九仙主道冠三氣初應物方佐命接真亦歸居貽  
篇訓終古駕景還太虛孔父歎猶龍誰能知所如

廣成子

廣成卧雲岫纔邈逾千齡軒轅來順風問道修神形至  
言發玄理告以從杳冥三光入無窮寂默返太寧

許先生

大名賢所尚寶位聖所珍皎皎許仲武遺之若纖塵棄  
瓢箕山下洗耳潁水濱物外兩寂寞獨與玄冥均

樊先生

巢父志何遠潛精人莫知耻聞讓王事飲犢方見移不  
欲散大朴焉能為堯師鍊真自輕舉浮世何足遺

柏成子高

大禹受禪讓子高辭諸侯退躬適外野放浪夫何求萬

乘造中畝一言良見酬  
危耕不顧斯情邈難儔

臧丈人

臧叟隱中壑垂綸心浩然文王感昔夢授政道斯全  
一遵無為術三載淳化宣功成遂不處遁跡符冲玄

伯夷叔齊

夷齊互崇讓棄國從所欽聿來及宗周乃復非其心世  
濁不可處冰清首陽岑采薇詠羲農高義越古今

南華真人

南華源道宗玄遠故不測動與造化遊靜合太和息放  
曠生死外逍遙神明域况乃資九丹輕舉歸太極

沖虛真人

沖虛冥至理體道自玄通不受子陽祿但飲壺丘宗冷  
然竟何依撓桃遊大空未知風乘我為是我乘風

洞靈真人

亢倉致虛極潛跡依遠岫智去愚獨留日虧歲方就鄉  
人謀戶祝不欲聞俎豆尚賢非至理堯舜固為陋

通玄真人

通玄貴陰德利物非市朝悠然大江上散髮揮輕橈已  
陳縑帷說復表滄浪謠滅跡竟何往遺文獨昭昭

文始真人

文始通道源含光隱闢吏遙欣紫氣浮果驗真人至玄  
誥已云錫世榮何足累高步三清境超登九仙位

榮啓期

榮期信知止帶索無所求外物非我尚琴歌自優游三

樂通至道一言醉孔丘居常以待終嘯傲夫何憂

長沮桀溺

賢哉彼沮溺避世全其真孔父棲棲者征途方問津行藏既異跡語默豈同倫耦耕長林下甘與鳥雀羣

顏闔

世情矜寵譽傲節徹當時顏闔道無名飯牛聊自怡逃聘鄙東帛鑿坏欣茅茨託聘囂塵表放浪世莫知

老萊夫妻

萊氏道已遠懿妻德彌清一遁囂煩趣永契雲壑情祿位非所重拂衣遂遐征杳然從我願豈為物所櫻

楚狂接輿夫妻

接輿耽沖玄伉儷亦真逸傲然辭徵聘耕績代祿秩鳳歌誠文宣龍德遂隱密一遊峨嵋上千載保靈術

鄭商人弦高

卓哉弦高子商隱獨標奇俊謀全鄭國矯命犒秦師賞神一作伸義不受存公滅其私虛心貴無名遠跡居九夷

柳下惠

展禽抱純粹滅跡和光塵高情遺軒冕降志救世人  
百行既無點三黜道彌真信謂德超古豈惟言中倫

荷蓀農門

荷蓀隱耕藝晨門潛抱關道尊名可賤理愜心彌閒混  
跡是非域縱懷天地間同譏孔宣父匿景杳不還

漢陰丈人

野哉漢陰叟好古遂忘機抱甕誠亦勤守朴全道微子

貢初不達聽言識其非已為風波人悅憫失所依

於陵夫妻

皎皎於陵子已賢妻亦明安茲道德重顧彼浮華輕琴書不為務祿位不可榮逃跡終灌園誰能達世情

項橐

太項冥虛極微遠不可究稟量合太初返形寄童幼孔父慙至理顏生賴真授泛然同萬流無跡世莫覩

太伯延陵

太伯全至讓遠投蠻夷間延陵嗣高風去國不復還尊  
榮比蟬翼道義侔崇山元一作玄規與峻節歷世無能攀

### 壺丘子

壺丘道為量玄虛固難知季咸曜淺術禦寇初深疑至  
人忘禍福感變靡定期太沖杳無朕元化誰能知

### 段干木

千木布衣者守道杜衡門德光義且富肯易王侯尊魏  
主欽其賢軾盧情亦敦秦兵遂不舉高卧為國藩

魯仲連

仲連秉奇節，釋難含道情。一言却秦圍，片札降聊城。  
金義何遠讓，祿心益清處。世功已立拂，衣蹠滄溟。

顏歌

高哉彼顏歌，逸氣陵齊宣。道尊義不屈，士重王來前。  
榮祿安可誘，保和從自然。放情任所尚，長揖歸山泉。

周豐

周豐貴隱耀，靜默尊無名。魯侯詢政體，喻以治道精。  
莅

人在忠慤疑叛由會盟一言達至義千載良為程

師金

聖人貴素朴禮義非玄同師金告顏生可謂達化宗夫  
子飾芻狗自然道斯窮應物方矯行俯仰靡不通

南郭子綦

子綦方隱几冥寂久灰心悟來應顏游清義杳何深含  
嚮盡天籟有言同鶻音是非不足辯安用勞神襟

黔婁先生

黔婁蘊雅操守約遺代華淡然常有怡與物固無瑕哲  
妻配明德既沒辯正邪辭祿乃餘貴表謚良可嘉

原憲

原生何淡漠觀妙自怡性蓬戶常晏如弦歌樂天命無  
財方是貧有道固非病木賜欽高風退慙車馬盛

商山四皓

萬方厭秦德戰伐何紛紛四皓同無為丘中卧白雲自  
漢成帝業一來翼儲君知幾道可尙隱括成元勲

河上公

邈邈河上叟無名契虛沖靈關暢玄旨萬乘趨道風寵辱不可累飄然在雲空獨與造化友誰能測無窮

東方曼倩

東方稟易象翫世隱廊廟棲心抱清微混跡秘光耀玄覽寄數術納規在談笑賣藥五湖中還從九仙妙

嚴君平

漢皇舉遺逸多士咸已寧至德不可拔嚴君獨湛冥卜

筮訓流俗指歸暢玄經閑闥動元象何必遊繁庭

司馬季主

季主超常倫沈跡寄卜筮宋賈二大夫停車試觀藝高  
談哂朝列洪辯不可際終秉鸞鳳心翛然已遐逝

鄭子真張仲蔚

子真巖石下仲蔚蓬蒿居禮聘終不屈清貧長晏如心  
情在耕藝養壽資玄虛至樂非外物道冥歡有餘

嚴子陵

漢皇敦故友物色訪嚴生三聘迨深澤一來遇帝庭紫  
宸同御寢玄象驗客星祿位終不屈雲山樂躬耕

向子平

子平好真隱清淨翫老易探玄樂無為觀象驗損益常  
抱方外心且紓人間跡一朝畢婚娶五嶽遂長適

韓康

伯休抱遐心隱括自為美賣藥不二價有名反深耻安  
能受玄纁秉願終素履逃遁從所尚蕭蕭絕塵軌

臺佟管寧

卷八百五十三

吾嘉臺孝威樂道隱巖穴吾尚管幼安棲真養高節採  
藥聊自給觀書任所悅風塵不可混真素比松雪

高鳳

吾觀時人趣矯跡務馳聲獨有高文通訟田求翳名公  
車徒見累爵祿非所榮隐身樂魚釣世網不可櫻

龐德公

龐公棲鹿門絕跡遠城市超然風塵外自得丘壑美耕

鑿勤厥躬耘鋤課妻子保茲永無患軒冕何足紀

玄晏先生

士安逾弱冠落魄未修飾一朝因感激志學忘寢食著書窮天人辭聘守玄默薄葬信貽儉可為將來則

孫公和

孫登好淳古卉服從穴居彈琴合天和讀易見象初終日無慍色恬然在玄虛貽言誠叔夜超跡安所如

董威輦

董京依白社散髮詠玄風心出區宇外跡參城市中  
塵不能雜名位安可籠匿影留雅什精微信難窮

郭文舉

郭生在童稚已得方外心絕跡遺世務棲真入長林元  
和感異類猛獸懷德音不憶固無情斯言微且深

陶徵君

吾重陶淵明達生知止足怡情在樽酒此外無所欲彭  
澤非我榮折腰信為辱歸來北窗下復採東籬菊

元日言懷因以自勵詒諸同志

馳光無時憩加我五十年知非慕伯玉讀易宗文宣經世匪吾事庶幾唯道全誰言帝鄉遠自古多真仙餘淳永可滌秉心方杳然孰能無相與滅跡俱忘筌安用感時變當期升九天

同劉主簿承介建昌江泛舟作

吾友從吏隱和光心杳然鳴琴正多暇嘯侶浮清川風霽遠澄映昭昭涵洞天坐驚衆峰轉乃覺孤舟遷崖嶼

非一狀差池過目前徘徊白日暮月色江中鮮真興殊  
未已滔滔且泝沿時歌滄浪曲或誦逍遙篇酣暢迷夜  
久遲遲方告旋此時無相與其旨忘筌

緜山廟

朝吾自嵩山驅駕遵洛汭逶迤轢轢側仰望緜山際王  
子謝時人笙歌此賓帝仙材夙所稟寶位焉足繫為迫  
丹霄期闕流蒼生惠高蹤邈千載遺廟今一詣肅肅生  
風雲森森列松桂大君弘至道層構何壯麗稽首環金

壇焚香陟瑤砌伊余超浮俗塵慮久已閑况復清夙心

蕭然叶真契

胡無人行

劍頭利如芒恒持一作時照眼光鐵騎追驍虜金羈討黠

羌高秋八九月胡地早風霜男兒不惜死破膽與君嘗

別章叟

平昔同邑里經年不相思今日成遠別相對心悽其

題縉雲嶺永望館

人驚此路險我愛山前深猶恐佳趣盡欲行且沈吟

題華山人所居

故人住南郭邀我對芳樽歡暢日云暮不知城市喧

御定全唐詩卷八百五十三

欽定四庫全書  
全唐詩卷八百五十九

集部

御定全唐詩卷八百五十四

杜光庭

杜光庭字聖賓括蒼人喜讀書工辭章翰墨應百篇舉不中入天台山為道士僖宗召見賜以紫服充麟德殿文章應制後隱青城山白雲溪自稱東瀛子蜀主王建賜號廣成先生有廣成集一百卷壺中集三卷今存詩

一卷

初月

始看東上又西浮圓缺何曾得自由照物不能長似鏡  
當天多是曲如鈎定無列宿敢爭耀好伴晴河相映流  
直使奔波急於箭祇應白晝世間頭

題仙居觀

往歲真人朝玉皇四真三代住繁陽初開九鼎丹華熟  
繼躡五雲天路長烟鎖翠嵐迷舊隱池凝寒鏡貯秋光  
時從白鹿岩前往應許潛通不死鄉

題鴻都觀

亡吳霸越已功全深隱雲林始學仙鸞鶴自飄三蜀駕  
波濤猶憶五湖船雙溪夜月明寒玉衆嶺秋空斂翠烟  
也有扁舟歸去興故鄉東望思悠然

題都慶觀

三仙一一駕紅鸞仙去雲閒遼古壇煉藥舊臺空處所  
掛衣喬木兩摧殘清風嶺接猿聲近白石溪涵水影寒  
二十四峯皆古隱振纓長往亦何難

贈將軍首二句缺

八表順風驚雨露

四溟隨劔息波濤手扶北極鴻圖永雲卷長天聖日高  
未會漢家青史上韓彭何處有功勞

題鶴鳴山

五氣雲龍下泰清三天真客已功成人間回首山川小  
天上凌雲劒佩輕花擁石壇何寂寞草平轍跡自分明  
鹿裘高士如相遇不待岩前鶴有聲

題空明洞

窅然靈岫五雲深落翮標名振古今芝术迎風香馥馥  
松檉蔽日影森森從師祇擬尋司馬訪道終期謁奉林  
欲問空明奇勝處地藏方石恰如金

題北平沼

桐柏真人曾此居焚香厓下誦靈書朝回時宴三山客  
澗盡閒飛五色魚天柱一峯凝碧玉神燈千點散紅蕖  
寶芝常在知誰得好駕金蟾入太虛

題平蓋沼

勢壓長江空八陣吳都仙客此修真寒江向晚波濤急  
深洞無風草木春江上玉人應可見洞中仙鹿已來馴  
龍車鳳輦非難遇只要塵心早出塵

題本竹觀

樓閣層層冠此山雕軒朱檻一躋攀碑刊古篆龍蛇動  
洞接諸天日月閒帝子影堂香漠漠真人丹澗水潺潺  
掃空雙竹今何在只恐投波去不還

題福唐觀二首

盤空躡翠到山巔竹殿雲樓勢逼天古洞草深微有路  
舊碑文滅不知年八州物象通簷外萬里烟霞在目前  
自是人間輕舉地何須蓬島訪真仙

曾隨雲水此山遊行盡層峯更上樓九月登臨須有意  
七年歧路亦堪愁樹紅樹碧高低影烟淡烟濃遠近秋  
暫熟爐香不須去佇陪天仗入神州

題莫公臺

奇絕巍臺峙濁流古來人號小瀛洲路通霄漢雲迷晚  
洞隱魚龍月浸秋舉首摘星河有浪自天圖畫筆無鉤  
將軍悟却希夷訣贏得清名萬古流

讀書臺

山中猶有讀書臺風掃晴嵐畫障開華月冰壺依舊在  
青蓮居士幾時來

贈人

靜神凝思仰青冥此夕長天降瑞星海上昨聞鵬羽翼

人間初見鶴儀形

贈蜀州刺史

再扶日月歸行殿却領山河鎮夢刀從此雄名壓寰海  
八溟爭敢起波濤

題劔門

誰運乾坤陶冶功鑄為雙劔倚蒼穹題詩曾駐三天駕  
礙日長含八海風

題龍鵠山

抽得閒身伴瘦筇。乳敲青碧喚蛟龍。道人掃徑收松子。  
缺月初圓天柱峯。

富貴曲

以下十一首

一作鄭遨詩

美人梳洗時。滿頭間珠翠。豈知兩片雲戴却。數鄉稅。

詠西施

素面已云妖。更著花鉢飾。臉橫一寸波。漫破吳王國。

傷時

帆力劈開滄海浪。馬蹄踏破亂山青。浮名浮利過於酒。

醉得人心死不醒

題霍山秦尊師

老鶴玄猿伴採芝  
有時長嘆獨移時  
翠娥紅粉嬪娟劍  
殺盡世人知不知

偶題

似鶴如雲一箇身  
不憂家國不憂貧  
擬將枕上日高睡  
賣與世間榮貴人

思山詠

因賣丹砂下白雲鹿裘惟惹九衢塵不如將耳入山去  
萬是千非愁殺人

景福中作

悶見戈鋌匣四溟恨無奇策救生靈如何飲酒得長醉  
直到太平時節醒

招友人遊春

難把長繩繫日鳥芳時偷取醉功夫任堆金璧磨星斗  
買得花枝不老無

山居三首

悶見有人尋移菴更入深落花流澗水明月照松林醉勸頭陀酒閒教孺子吟身同雲外鶴斷得世塵侵

真心栖太室散髮浸流泉採柏時逢麝看雲忽見仙夏狂衝雨戲春醉戴花眠絕頂登雲望東都一點煙

不求朝野知臥見歲華移採藥歸侵夜聽松飯過時荷竿尋水釣背局上岩棊祭廟人來說中原正亂離

紀道德

以下二首俱一言至十五言

道德清虛玄默生帝先為聖則聽之不聞搏之不得至德本無為人中多自惑在洗心而息慮亦知白而守黑百姓日用而不知上士勤行而必克既鼓鑄於乾坤品物信充仞乎東西南北三皇高拱兮任以自然五帝垂衣兮脩之不忒以心體之者為四海之主以身彎之者為萬夫之特有皓齒青娥者為伐命之斧蘊奇謀廣智者為盜國之賊曾未若軒后順風兮清靜自化曾未若臯陶邁種兮溫恭允塞故可以越圓清方濁兮不始不

終何止乎居九流五常兮理家理國豈不聞乎天地於  
道德也無以清寧豈不聞乎道德於天地也有踰繩墨  
語不云乎仲尼有言朝聞道夕死可矣所以垂萬古歷  
百王不敢離之於頃刻

懷古今

古今感事傷心驚得喪歎浮沈風驅寒暑川注光陰始  
銜朱顏麗俄悲白髮侵嗟四豪之不返痛七貴以難尋  
夸父興懷於落照田文起怨於鳴琴鴈足淒涼兮傳恨

緒鳳臺寂寞兮有遺音朔漠幽囚兮天長地久瀟湘隔  
別兮水闊煙深誰能絕聖韜賢餐芝餌朮誰能含光遁  
世鍊石燒金君不見屈大夫紉蘭而發諫君不見賈太  
傅忌鵬而愁吟君不見四皓避秦峩峩戀商嶺君不見  
二疏辭漢飄飄歸故林胡為乎冒進貪名踐危途與傾  
轍胡為乎怙權恃寵顧華飾與彫簪吾所以思抗跡忘  
機用虛無為師範吾所以思去奢滅慾保道德為規箴  
不能勞神倣蘓子張生兮於時而縱辯不能勞神倣楊

朱墨翟兮揮涕以沾襟

句

銅壺滴滴禁漏起三十六宮爭捲簾

月以下錦繡萬花谷

斜陽古

岸歸鴉晚紅蓼低沙宿雁愁 霜彤曲徑寒蕪白雁下

遙村落照黃 恩威欲寄黃丞相仁信先聞郭細侯

兵氣此時來世上文星今日到人間降因天下思姚宋

出為儒門繼孔顏 丹竈河車休矻矻蚌胎龜息且絲

鱗馭景必能趨日域騎箕終擬躡星躔返樸還淳皆至

理遺形忘性盡真詮

山居百韻  
見鑑戒錄

御定全唐詩卷八百五十四

欽定四庫全書  
欽定四庫全書要卷一萬八千二百六十

集部

御定全唐詩卷八百五十五

鄭遨

鄭遨字雲叟滑州白馬人昭宗時舉進士不第入少室山為道士徙居華陰種田自給與道士李道殷羅隱之友善世目為三高士唐明宗以左拾遺晉高祖以諫議大夫名皆不起賜號逍遙先生天福中卒詩十七首

山居

一作杜  
光庭詩

閼見有人尋移庵更入深落花流澗水明月照松林醉  
勸頭陀酒閒教孺子吟身同雲外鶴斷得世塵侵  
冥心棲太室散髮浸流泉採柏時逢麝看雲忽見仙夏  
狂衝雨戲春醉戴花眠絕頂登雲望東都一點煙

不求朝野知臥見歲華移採藥歸侵夜聽松飯過時荷  
竿尋水釣背局上巖碁祭廟人來說中原正亂離

茶詩

嫩芽香且靈吾謂草中英夜白和煙搯寒鑪對雪烹惟

憂碧粉散常見綠花生最是堪珍重能令睡思清

哭張道古

曾陳章疏忤昭皇撲落西南事可傷豈使諫臣終屈辱  
直疑天道惡忠良生前賣卜居三蜀死後馳名遍大唐  
誰是後來脩史者言君力死正頽綱

富貴曲

一作杜光庭詩

美人梳洗時滿頭間珠翠豈知兩片雲戴却數鄉稅

傷農

一粒紅稻飯樂滴牛領血珊瑚枝下人銜杯吐不歇

詠西施

一作杜光庭詩

素面已云妖更著花鉢飾臉橫一寸波浸破吳王國

思山詠

一作杜光庭詩

因賣丹砂下白雲廩裘惟惹九衢塵不如將耳入山去  
萬是千非愁殺人

招友人遊春

一作杜光庭詩

難把長繩繫日鳥芳時偷取醉工夫任堆金璧磨星斗

買得花枝不老無

宿洞庭

月到君山酒半醒  
朗吟疑有水仙聽  
無人識我真閒事  
贏得高秋看洞庭

題病僧寮

佛前香印廢晨燒  
金錫當門照寂寥  
童子不知師病困  
報風吹折好芭蕉

題霍山秦尊師

一作杜光庭詩

老鶴玄猿伴採芝，有時長嘆獨移時。  
翠娥紅粉渾如爛，殺盡世人知。

偶題

似鶴如雲一箇身，不憂家國不憂貧。  
擬將枕上日高睡，

賣與世間榮貴人

一作杜光庭詩

帆力劈<sub>一作衝</sub>開滄海，浪馬蹄踏破亂山青。  
浮名浮利濃

於酒醉得人心，死不醒。

景福中作

一作杜光庭詩

閼見戈鋌匝四溟恨無奇策救生靈如何飲酒得長醉  
直到太平時節醒

題中條靜觀

候道華上昇處

松頂留衣上玉霄永傳異迹在中條不知揖徧諸仙否

欲請還丹問昨宵

道華有詩云帖裏大還丹昨宵謾喫却

虞有賢

虞有賢唐末道士詩一首

送臥雲道士

一作魚又玄題云題柳公權書度人經後

臥雲道士來相辭相辭倏忽何所之紫閣春深煙靄靄  
東風花柳折枝枝藥成酒熟有時節寒食恐失松間期  
冥鴻一見傷弓翼高飛展轉心無疑滿酌數杯酒狂吟  
幾首詩留不住去不悲醯鷄蜉蝣安得知

程紫霄

一首

程紫霄唐末道士後唐同光初嘗勅令入內殿講論詩

示守庚申衆

避暑錄云道家言人身中有三尸  
亦云三彭記人過失庚申日乘人

睡告之上帝學道者是日不睡謂守庚申唐末朝士會終南太極觀守庚申紫霄笑曰此吾師

托是以懼為惡者爾據牀求  
枕作詩示衆投筆鼻息如雷

不守庚申亦不疑此心常與道相依玉皇已自知行止

任汝三彭說是非

### 舒道紀

舒道紀婺州人為赤松山黃冠師自號華陰子與貫休友善詩二首

### 蘭谿靈瑞觀

澄心坐清境虛白生林端夜靜笑聲出月明松影寒絳  
霞封藥竈碧竇濺齋壇海樹幾回老先生暴未殘

題赤松宮

今蘭谿縣之赤松山  
王初平亦稱赤松子

松老赤松原松間廟宛然人皆有兄弟誰得共神仙雙  
鶴沖天去羣羊化石眠至今丹井水香滿北山邊

彭曉

彭曉字秀川號真一子永康人昌利化飛鶴山道士也  
孟蜀授朝散郎守尚書祠員外詩二首

參同契明鏡圖訣詩二首

曉嘗注參同契復約其義為明鏡圖列八

環而符動 靜明二象以定陰陽為訣二篇云

造化潛施跡莫窮簇成真訣指蒙童三篇祕列八環內  
萬象門開一鏡中離女駕龍為木壻坎男乘虎作金翁  
同人好道宜精究究竟得長生路便通

至道希夷妙且深燒丹先認大還心日爻陰耦生真汞  
月卦陽奇產正金女妊朱砂男孕雪北藏熒惑丙含壬  
兩端指的鉛金祖莫向諸般取次尋

魚又玄

魚又玄道士詩一首

題柳公權書度人經後

一作虞有賢題  
云送臥雲道士

臥雲道士來相辭相辭倏忽何所之紫閣當春凝煙靄  
東風吹岸花枝枝藥成酒熟有時節寒食恐失松間期  
冥鴻復見傷弓翼高飛展轉心無疑滿瀉數杯酒狂吟  
幾首詩留不住去不悲醯雞蹲蟠可一作安得知

謹案卷八百五十四第四頁後三行贏得清名萬

古流按流疑留字之訛

卷八百五十五第一頁後三行看雲忽見仙刊本

仙訛山據上卷改





總校官庶吉士臣張能照

校對官中書臣張 墪

謄錄貢生臣黃永澄